

**Saksframlegg**

Utval	Utvalssak	Møtedato
Eldreråd		04.02.2014
Råd for menneske med nedsett funksjonsevne		26.11.2013
Kommunestyret		13.02.2014

Brukarbetaling ved bu -og servicesentera**Saksdokument:**

Endring av betalingssatsar for helse –og omsorgstenester, k.-styresak 71/13

Saksutgreiing:

Fyljande saksutgreiing er grunnlag for vedtak om brukarbetaling i k.-styresak 71/13:

Gjeldande ordning (fram til 31.12.2013):

Bebuarar på Heddeli og Steinmoen betalar ei månadleg husleige som omfattar husvære, praktisk bistand og kost. Hjelp til personleg stell og eigenomsorg er, jamfør Forskrift om eigenbetaling for kommunale helse- og omsorgstenestertenester § 8, vederlagsfritt. Husleiga er per d.d. kr 6 462 per månad, og vert justert årleg etter konsumprisindeks. Dagopphald på bu- og servicesentra vert fakturert med kr 101 per dag, kommunen betaler transport.

Det vert ikkje kravd betaling for opphald som primært vert gjeve for å avlaste pårørande.

Framlegg til endring (frå 01.01.2014):Opphaldsbetaling:

Som grunnlag for fastsetjing av brukarbetaling på bu- og servicesentera, er det tatt utgangspunkt i kostnader ved å bu i omsorgsbustader og lagt dette til grunn for ei harmonisering. Det er lagt til grunn av det også vert betalt for kommunal heimehjelp og matombringning. Det er mogeleg å skilje brukarbetalinga på bu- og servicesentera i husleige, kost og praktisk bistand, men for at det skal vera lik pris for alle (uavhengig av inntekt), har ein valt å fastsetje *ein* pris for opphald på bu- og servicesentra.

- Brukarbetalinga vert sett til kr 7 500 per månad og omfattar husvære, kost og praktisk bistand.

Dette er ei auke på 16 % i tillegg til auken frå 01.01.13, som var på 15 %.

Etter at vedtaket om auka brukarbetaling vart fatta, har det kome spørsmål angående ektefellemoderasjon. Det er frå administrasjonen si side ikkje lagt opp til dette, men det har tidlegare vore praktisera ein reduksjon på 25% i dei høve der ektepar har opphald på bu- og servicesentera.

I arbeidet med fastsetjing av brukarbetaling er fylgjande prisar lagt til grunn:

- Eigenbetaling per middag til heimebuande kr 114, per måned kr 3 477
- Andre måltid (gjeld i dei høve der bebuarar i omsorgsbustad kjøper frukost eller kveldsmat på Heddeli) kr 26 per døgn, per måned kr 1 586
- Heimehjelp (variabel eigenbetaling), minstepris per måned kr 180
- Husleige kr 2 257
- **Brukarbetaling per måned kr 7 500**

Rådmannen si tilråding:

Det vert gjeve redusert pris til ektefeller i samband med opphald på bu –og servicesentra. Reduksjonen utgjer 25% av den delen av brukarbetalinga som omfattar husværet, d.v.s. 25% av kr 2 257 (pris per januar 2014).

Utskrift til: